


瓶甌洞藁

四卷  
五卷  
六卷

五言古



漢書門類			
二册	五架	七函	四號

庫文閣內			
三函	一册	四號	漢書

內閣文庫			
番號	漢	10474	
冊數	20(4)		
函號	317	80	



魏洞藁卷之四

武昌吳國倫著

始安張鳴鳳校  
新安方尚贊校

五言古六十一首

述志四首

淺草文庫

皇矣太初闢清濁開鴻蒙人生貴且靈受此天地中  
因序若鱗次陳迹藐易窮豈伊一抔土掩此七尺躬  
沒世名不稱宣尼志所恫寸陰逝足惜禹德彌以崇  
抗志慕先民蹇予豈不聰大猷廣且穆惟彼能者從  
努力戒前路艱哉一簣功庶幾耿耿微可以令厥終

其二

冉冉嶧陽桐猗猗嶰陰竹含茲龍鳳音雌雄遞相屬  
龍爲羌水吟鳳爲軒后曲橐籥宣元氣宮商無陵黷  
茲風已千古遺響伊誰續夢遊上帝居鈞天何穆穆

其三

黃鵠臨當飛徘徊視其翮一舉橫四海須臾萬里隔  
烏鳶集林莽俯啄仰相嚇營營濁世儒所志在干澤  
處膏但自潤何辭服轅軛美哉寥廓士遠遊無遺迹  
一羽輕侯封九鼎重人國遇合鮮常期飄飄從所適

其四

赤日照萬古不槁扶桑枝人世何鹵莽光景迅如馳  
朝菌夕不華霜露難爲姿薰膏苦自焚智巧無以爲  
精衛銜木石東海平無期章亥雖疾步安見周四垂  
何如息萬慮飡霞茹三芝庶幾葆天真善卷良吾師

雜詩十二首

皎皎明月珠熒熒吐輝光持以贈所親道路阻且長  
中墮濁水泥千里徒相望志士抗高節憎茲口如簧  
赫赫尹吉甫伯奇行履霜參乎豈嗜殺慈母走踰墻  
況彼行路人何以要不忘睚眦有其端安保不相戕  
棄置非所論無郵示周行

其二

重城繚阿閣鬱鬱造天表迴飈激眾愚飛棟陵縹緲  
惜哉鳳不至而以巢凡鳥凡鳥羣卑道德輝何杳杳  
棄彼琅玕實啜苻與蓼翔止無寧序呼噪失昏曉  
文羽一來儀四顧儔侶少哀鳴棄之去高舉六合小

其三

士自有貴賤道與俱污隆良賈不居市美女憂入宮  
從事苟失時聖哲難爲工虞卿始遊趙非有根柢容  
一見賜金璧再見舉國從取相如探囊坐致郤秦功  
及其間行去居梁一何窮著書幸自見祇爲遊談宗  
何不執高義希彼魯連風解紛息大難蹈海不受封

其四

羊腸一何坦周道摧車輪溟渤葦可航溪潦浩無津  
膠漆苦不投竿瑟時見親懷珠蒙世疑買櫝以爲珍  
冥理本不測變態渺無因於物各有適愛惡從其心  
險夷義所安尺蠖有屈伸惟彼明哲士迥然保其身

其五

人固不易知知人亦不易夢卜得二賢興王有餘智  
方其未夢時凡民何以異良賈貴深藏良工不自示  
遵養待遇合不合渺如棄上客禮負芻下堂握收器  
知已在一言遂爲千古事

其六

海風吹枯桑朔氣盛原野客子寒無衣行役去中夏  
塞外霜草白中夜鳴胡馬浮雲西北馳河漢東南瀉  
豈不懷故鄉瞻望涕盈把橫行氣已摧况乃匹儔寡  
白骨何累累撐拄長城下

其七

大造冥無端陰陽互推移人生逝如斯白駒喻何遲  
彭聃豈必壽殤子與同期誰云蒲與柳異彼金石姿  
梁肉饜無味食藿甘如飴纓綬苦結束短褐何委蛇  
達觀萬物理委形皆若遺哲哉河上翁知雄守其雌

其八

田文與趙勝養士亦已多處囊有遺穎徙舍徒勞歌  
三年不見知如此皮相何一日奮排難秦楚爲么麼  
反掌復齊相按劍定從和始知負奇士俛首甘蹉跎  
乘時建大策寸舌雄干戈安用錄錄輩與世相依阿

其九

佳人處重幄歛態何盈盈姣服紈與綺盼笑清芬生  
明月辯爲環雜佩瓊瑤瑛微風動輕裾緩步宮商鳴  
一顧迷下蔡再顧傾陽城念欲結婉孌何以抒衷情  
挹彼沆瀣漿和茲九霄精延佇欲致之咫尺天河橫

將無高丘夢令人徒屏營

其十

矯矯赤水龍視能燭九陰微氛翳白日不照烈士心  
離離洛少年悼彼三閭沈興文弔汨水感遇亦何深  
已矣千百載其辭傳至今巫咸邇可招胡為久不歆  
烈心豈自疑懷徃故難任何以寫衷曲閉戶弦鳴琴

其十一

誰謂德無鄰媿阿湑其真誰謂人無倫反側難為親  
恩愛苟不衷金石將且磷四海皆兄弟同室越與秦  
久要勿言故立談勿言新肝膽照日月眉睫生荆蓁

君子貴中立小人趨同塵況乃在末路變態那可陳

其十二

曦日照四術人語何嘈嘈爭塗赴闐闐靡麗成周遭  
牽袂迴飈舉擊軫奔如濤招搖各有營日夕不言勞  
翩翩御輕肥各言絕世豪東隣奮絲竹西肆陳珍牢  
飲至懽亦極萬事皆鴻毛筑筑北郭子徒手被緼袍  
延佇大道傍頗為達者嘲從事貴識時胡為久蓬蒿

釋褐

穆穆四門闢濟濟多士升奏對干龍顏咫尺彤雲蒸  
通籍竝時喆賤子慚無能弱羽將順風天路恣飛騰

解此田間褐衣錦如不勝造跡朝士間一日揚聲稱  
詔賜南宮宴恩禮彌豆登被此非常遇舉笏紛相矜  
而我在末坐廩廩懷春米策名從此始何以酬賓興

賜宴思親

待詔金馬門遂叨大官宴九陌馳青驄宮衣一何絢  
鱗次瞻上公鴈行侶羣彥襜襜王者賓聚此延英殿  
陳禮張六樂卿雲爛畿甸瓊卮瀉天漿綠幘進珍膳  
詎謂蓬蒿生能承 聖明眷致身非不蚤顯親人所  
羨傷哉我二親今茲豈及見昊天難可呼風木有餘  
怨趨庭感貽穀入室思聖善三釜不逮存列鼎安用

薦所以曾參悲北嚮非爲賤亦知幸遭逢食旨不下  
嚙

旅夜思親

遭時苦不淑少齒嬰百罹嚴慈早捐棄諸孤何綏綏  
泣血腥墓草刺心心爲夷抱此終天感豈必泉下知  
繫予守義方入國爲先資射策有天幸澤宮不我遺  
遂通金閨籍冠佩相追隨在序沾微祿言歸獨遲遲  
臥痾謝朝謁旅夜良淒其泫然思罔極何當奉音儀  
兼饌不追養綺錦徒增悲託體在北原原樹紛纍纍  
引領中自傷遊魂渺何之

思伯兄

伯也故孝廉捐世良已早哀哀堂上親纍纍爲君老  
一丘十年餘霜露變宿草諸弟慘不勝諸孤僅相保  
憶予幼且孱君每置懷抱相予有英骨許以希世寶  
上堂賀二親謂當振家造二親色爲娛屬之綴文藻  
抗志景前修結軫趨大道詎知策名時天親骨已槁  
浮榮匪足多真憂忽如擣俯兮叩重泉仰兮呼穹昊  
穹昊與重泉長夜漫浩浩

過嚴子陵釣臺

鼓棹日垂暝泝流洑驚湍富春何崔嵬石瀨清且寒  
蒼蒼兩釣石千古江之干攬衣起攀躋山澤多幽蘭  
昔人秉微尚披裘隱其端明月投爲餌彩虹持爲竿  
避彼龍虎爭飽此魚蝦餐帝詔豈不殷委質良獨難  
願與巢許遊不著漢吏冠九鼎焉足舉雲臺非所安  
我亦倦遊子濯纓此盤桓偃仰思遐軌劃焉天地寬

哀江南

昔予登蘇臺一覽吳越平浮雲蕩澤國迴飈起滄瀛  
五湖揚素波天目遙崢嶸流睇入雲間碣石參差橫  
日夕館娃宮綠竹發清聲土風事遊冶民力苦暴征  
耕者不宿飽綺綵空奇贏况迺承平久閭閻諱談兵



登無洲漢 卷之四  
豈乏湛盧劍塵埋不得鳴亦有明月刀鬻市衆所輕  
奄忽攬槍降羣妖恣橫行長風吹萬艘濤起天雷轟  
吳都良家子倉皇望前旌一戰陷我陣再戰奪我營  
鬼哭長洲苑血腥樵李城白骨蔽上海海日慘不明  
廣衢遊麋鹿王路多榛荆萬類委魚肉安用佳麗名  
昔遊曾幾時遂令田海更殺氣結不散感之百哀生  
安得萬猛士飛戈滅妖鯨

贈別徐子與比部三首

涼露被臯蘭悲風鳴庭樹銷落感我心客遊歲云暮  
念當從此辭流景不我駐清商命促管爲君發幽素  
靜言攜手歡齊軌卽中路欲洗桑濮耳千載聆韶箏  
知者日以稀作者良獨苦顧望懷百憂行矣惜高步

其二

黃鵠厲高空晨風翔北林依依命儔侶雲漢流哀音  
況我眷良朋離思難可任凌晨發皇邑馬首逝駸駸  
駕言采幽蘭聊以喻同心同心苦離索安知非辰參  
分親踰室邇愛至慮亦深豈爲兒女仁臨路空沾襟

其三

高高黃金臺飛閣臨長衢宮闕遙相望冠蓋填京都  
與子結交親明誓永不渝抗志局四海氣與高雲驅

深衷托柔翰榮華安所須念子遠行役飲餞城南隅  
燕趙多悲歌感之心鬱紆何當有羽翼南征與子俱

送謝茂秦

北風吹燕關雨雪繽紛灑遊子暮何之言歸鄴城下  
鄴城非爾鄉徒侶一何寡擔簦戒前途踟躕立中野  
念子老無依被褐擬揚馬結交滿京華誰為同心者  
將赴西園招遂脩南皮社咄咄千古心悠悠漳河瀉

寄李順德于鱗

翩翩雙飛鴻嘹嘹入雲漢中路忽以攜含情各相怨  
狂飈攜羽形影從茲斷豈無稻梁謀常恐及矰彈

會合未有期非儔肯相亂歲宴霜雪深伶俜夜難日

再答于鱗

長孺臥淮陽季布淹河東闕廷一以遠毀譽紛從中  
念子守畿郡三輔揚清風歲久不得調治行難為工  
非無貢禹盟卒鮮根柢容誰謂賢路闕側足處其窮  
巫咸不自被秦醫不自攻浮海居九夷浩然與子同

張子培至自吳

客從吳門來未解風塵色且勿敘舊懽把手陳憂惻  
執法降為殃江鄉遍蝨賊飛刀瑩如霜剝剝鮮餘力  
三吳故佳豔倏忽成異域今朝戰城南明朝戰城北

漂血膠舳艦輿尸丘山積骨肉不相保田廬詎復識  
四顧無人煙舉足羅荆棘此身亦已贅何當有羽翼  
鼓噪銷雄心仰天長大息負母復攜幼潛行蹊路側  
萬死脫虎口追徃意猶惑氣結不成辭悵悵涕沾臆  
聞之傷肺肝流光黯昏黑

答王元美見貽

結束處中秘二曜潛推移辭令苦不嫺廩粟誠虛糜  
相門有揖客骯髒非其怡懷茲千古心引領屬所私  
區區幸見察攜手與同期者日以親異者日以疑  
營營各有適安得強相持不見墨石翟居然非咸池

酬元美郎中二首

丹雲翼雙闕飛觀何峭嶭玉階序文鶴侍從人所榮  
宸聰諒四達袞職縣匪輕徘徊鮮嘉猷何以禪大明  
豈不畏鰥素龍頷難可櫻徒薪疏梅福戴益悲逢萌  
寧爲大鳥止恥與羣鴉鳴感子眷相勗因之忘死生

其二

五嶽參大空興雲卽施雨須臾走風霆具曰天帝怒  
遂令威福權鬼神不遑覩陰陽互愆伏妖氛被林藪  
梁木萎崇岡嘉禾殺下土垣耳道路目輦轂生胡虜  
偷生將安之宛舌不得吐何當遂初衷願與逢干伍

別高伯宗

驚風動地來浮雲起翩翩白日匿須臾陰氛莽相纏  
靈潦浩縱橫脩陸成廣川嗟嗟遠遊子駑馬不得前  
還顧舊京邑感此涕潛然況我同心人明誓良獨堅  
昔爲膠與漆今若括與弦去去懷百憂所憂非棄捐

別李伯承

朝下承明廬暮投湘水濱須臾萬里隔中意當誰陳  
睠我同心友涕下沾衣巾婉孌無終席歡愛豈畢輪  
趨舍一相乖曠若越與秦竝器登蘭蕭疇能識其真  
連城衆所哈鼠腊乃見珍始知卞和氏三獻徒苦辛

省墓二首

慊慊遠遊子遲遲薄言歸上堂謁宗老飲泣瞻親闈  
親闈久閒寂我心愴以悽出郭望北原原樹風淒淒  
凌晨踐霜露何自承音輝憔悴向夜臺感此林鳥啼

其二

陳牲藉蘭蕙有酒苾以芬銜痛不勝禮宣哀亦無文  
白楊動悲風玄碣蒙陰氛何哉宅黃墟乃與狐兔隣  
微祿嗟不逮飲啄將誰親徘徊日西匿引領滋傷神

登廬山絕頂

廬阜浩緜邈含靈翊洪都下蟠厚坤軸上燭南斗樞

渾沌竅初鑿夸父骨已枯諸峯秀雲表列郡巢其郭  
我策盧敖杖舄以王喬冕逍遙陵絕頂飛觀亦何孤  
三梁跨欲絕五老森相呼松孕萬年苓鶴將千歲雛  
半嶺雨暘隔一朝寒燠殊重巖表僊隱古寺羅名區  
苔蝕巨靈掌星錯摩尼珠靈光展石鏡霞氣薰香鑪  
瀑布落天漢濺沫成江湖濯髮天池端冥然鑑虛無  
五嶽總拳石古今亦須臾且與方外友狂歌醉瓊蘇

訪余德甫

蕭蕭古城隅鬱鬱高士里謾謾飄松風盈盈望吾子  
殊方一以攜豈不嗟室邇行役良爲勞光儀幸相倚

晤言諠夙歡有酒清且旨佳會難可常義輪逝如駛  
忼慨發清商知音悵何已但比同心花安能久連理  
用晦芙蓉館宴集同余德甫

王孫好賓客展宴芙蓉池茂樹蟠層陰前除廣且夷  
朱華媚高館綠藻芬淪漪瑟瑟幽籟發交疏動微颺  
涼秋感佳會綢繆及良時瑯盤膳珍錯美酒金屈卮  
起步臨中流俯見遊鱗嬉悠然愜心賞匪以濠濮私  
攜手奮高倡浮雲去逶迤

攝郡二首

晨起坐公府吏道何結束簿書安可裨磬折垂殆辱

籠鳥觸四隅轅駒傷局趣濟物本吾性微繹意安屬  
直木雖先伐誰能處其曲艱哉九阪塗繫此千里足  
念之慄以慨中夜起躑躅

其二

夙昔慕子游學道遵聖言臨民道苟直末位豈不尊  
此邦麗炎德鬱鬱章貢藩食毛知土瘠日昃心爲捫  
墮戶不宿火卒歲鮮雞豚況爾庶無知爭質多煩冤  
餘風日以頽微文苦鉤援反裘失旣遠痼身昧其源  
疇爲撤繭絲是究懷保恩歌彼伐檀章內忤安可論

郊行

出郭望四郊蒞止廬山麓老稚走相從欣此柴桑俗  
世遠松菊蕪年登庾廩足狐穴匡君祠犬吠康王谷  
天際羅羣峯懸泉墮鳴玉抱杖出脩林聊以縱遐矚  
日夕驅馬歸懷古念彌篤鼠腹本易克鳧頸詎宜續  
人生各有涯胡爲久錄錄安得如陶公終焉托醞醪

閱武

驅馬越故壘張帷蒞崇岡飄風激東匯湖水何湯湯  
陳彼桓桓旅奮臂俱飛揚鉦鼓動地發鎧甲耀日光  
分曹建赤牙合隊揮干將列戟森如林羽鏃凌秋霜  
俯手挽烏號飛鳥不敢翔風雲變須臾天地爲倉皇

顧予逢衣徒覩此氣益強治世不去兵暇日虞大康  
農山志未逮聊以使知方

答鄒少南

攘袖適中陌皓腕朝霞明徘徊歷脩渚言采蘭與蘅  
美人日以遐欲致渺無因故懽豈能續信誓良所欽  
但得聞馨香不願同衣衾道逢涉江女顧盼一何親  
遺之雙雜佩用以寧予心各言有所思淚下不能任

遊仙篇贈劉叟

僊人從何來云自終南山天風矯雲翼須臾八極還  
頓轡南斗傍晞髮天池端手扶綠玉杖叩我巖下關  
問年不知紀餐芝美紅顏授我無上秘飲我長生丹  
我欲從之遊白日生羽翰扶桑一何邇崑崙不足攀  
逍遙及太清四顧非人間

秋夜獨酌

端居息萬慮候蟲鳴我牀起步臨前除明月照我裳  
仰視河漢影綿綿秋夜長躑躅不能寐繾綣稱壺觴  
埋照非有穴適意卽此鄉調笑五老人彭蠡爲吾漿  
獨醒還獨醉於世竟焉妨高梧脫旣盡桂樹乃芬芳  
物理固如此吾飲殊未央

至日歎

汎汎彭蠡流皚皚匡山石松柏有餘寒魚龍偃深澤  
 玄枵謝窮陰天心見冥漠顧此寥廓區不解窮愁客  
 問客何歎嗟冉冉流光擲俛首儕世人四海何跼蹐  
 剝復固有期念已苦行役豈不戀 明主瞻望徒脉  
 脉

五老吟

被髮辭帝闈息駕招五老五老從天來各各顏色好  
 問老何所脩莞爾不復道混沌非吾初蓬瀛非吾島  
 河清詎足俟扶桑歛焉槁擲杖化為林逍遙步穹昊  
 顧子豈陳人役役傷懷抱羲輪日以逝安得長壽考

璞石遭良工一出為世寶所悲喪其真精靈其自葆

揚瀾阻風

揚舲下東澤弭棹揚瀾浦北風起何疾蛟龍恣吞吐  
 帆檣怒相擊鳴濤震金鼓黃沙蔽白日咫尺不成覩  
 三晨坐一隅忽忽如異土四顧徒侶絕羈思良獨苦  
 天道浩無度所貴知險阻

蘆溝橋

迴車薊北門飲馬桑乾水蜿蜿青龍橋頽波逝如駛  
 喧喧行路人日旻去未已顧我志已荼徘徊在河涘  
 矯首望 帝居宮殿錯如綺飄風忽西至黃沙蔽天



起不見郭生臺歎息張華里一骨千黃金安用直如  
矢

過中牟

駕言適浚郊岐路紛如織秋風吹圃田羣鳥下藜棘  
原隰冒陰氛禾黍不得食靡靡行邁人停車爲長息  
魯令骨且朽荒祠古城側三異我所欽徘徊日西匿

鄭州登臺

鄭圃有層臺高視天中區浮雲迫飛閣萬戶羅長衢  
悠然瞰嵩嶠三川鬱以紆涼飈起藁林銷落何須史  
振衣發清商音哀不爲娛神遊風所慕冉冉白日逾

黃鵠思高舉胡爲世網拘

贈費大夫

大夫起相種矯矯玄成資荆璞含初光肯爲琢者嗤  
抗跡希直躬素風良不緇弱冠奉符璽燦若瓊樹枝  
白首伏下僚渺若濁水泥君恩無邇遐亮節何委  
蛇三黜介不易展禽固吾師離離漢濱人將與子同  
期銜杯睨浮雲忽忽東西馳

上公廟詩

有序

宋中故有微子祠屬其地卑濕而規制狹小  
曾不比於鄉社予謁而怍怍焉因與邦大夫

暨其鄉卿士議而新之堂寢寮垣崇峻宏麗  
蓋十倍視故祠矣予按微子初食采於微及  
受周命爲上公則土與爵皆非其舊卽宋人  
祠之而名曰微子得無未安乎因僭易其顏  
曰上公廟而紀以是詩時嘉靖辛酉秋日

狡童失金鏡湯澤宜未湮乃有象賢子作誥去宗親  
豈不眷故國數諫徒苦辛皇皇忍顛越天命當誰陳  
玄圭東夏尹白馬西周賓公旦嘉乃德尼父諒其仁  
庶幾代庚祀遠託玄鳥禮實始有宋國綿祚六百春  
亮宮況伊邇商頌匪無因血食高辛墟千秋肅明神

我生劇懷古躑躅荒城闔寢殿委泥淖俎豆陳荆蓐  
豈伊上公居湫隘無常尊污隆在邦典俯仰慙儒紳  
賤子屬經始元龜告佳辰庶民旣子來卿士從如雲  
程工不踰期棟宇一以新因之贊彝訓非獨美奐輪  
茲晨從長吏言薦藻與蘋對越凜如在顧瞻何逡巡  
脩靈降多福阜此邦之人

梁園吟

菟園三百里平臺古商丘星分燧人紀風啓倉頡陬  
上公此食采東夏遙尊周賓客信陵散乘輿孝王遊  
授簡賦雪月築宮延枚鄒逶迤複道引暎帶黃河流

危嶺抗龍岫曲池藏鶴洲脩竹蔭千晦彩雲揚九旂  
豪華未終竟極宴生繁憂今茲狐狡穴夙昔歌舞樓  
客子悵懷古經行重悲秋況乃司馬倦頗類虞卿愁  
桐門日黯黯棘澤天悠悠今昔不相待富貴誰能留  
紅顏總自誤明月莫輕投五斗盡沾酒萬事都沈浮

別魯朝選行人

寒裳涉睢澮登臺覽東夏脩竹蕪漢園古柏頽殷社  
新阡錯如林舊郭平爲野代謝成須臾誰其後死者  
與此區中士攜手涕如灑予豈悲豪華士非薄遊冶  
微衷各有尚躑躅浮雲下況乃此一時夢寐見龍馬

浩浩千古心黃河詎能瀉去去懷昌言努力崇大雅

聞蟬

流火謝朱夏白露沾野草陰陽漭推斥朝榮夕已槁  
聽此寒蟬鳴悒悒傷懷抱嚙啖一何悲坐使容色老  
聲氣各有時吾生但潦倒齊女未下宮疇云不美好

爲塗少叅題畫二首

盈盈廣漢水褰裳不可渡誰鞭東海石駕此西都路  
飛虹跨長波潛蛟吐玄霧聞有駟馬歸豈是曾題柱

右漢梁圖

其二

君家孝子里蜀道阻且深浮雲蔽白帝義畧何駸駸  
王陽歎九坂莊舄為越音朱紱豈不華各有萬里心  
右望雲圖

舟中望嶧山

浩浩黃河流蕭蕭大隄樹翩翩操舟人闐闐奏桴鼓  
中有南冠子含意不得吐望魯隔龜山陟泰阻梁甫  
茲晨發邾婁進帆魚臺浦瞻彼嶧陽山鬱鬱峙千古  
秦碑蝕既盡孤桐亦已腐在物無醜好過時俱塵土  
人智闇雌雄於終竟焉覩我欲從茲山其如乏脩羽  
日暮舍之去徬徨涕如雨

悼亡詩

人命但朝夕冥運何倉皇憂多樂苦少生短逝日長  
零露本易晞行雲去如翔雖有蘭蕙姿倏忽萎秋霜  
念子秉昭質素里揚清芳婉孌自疇昔明誓結不忘  
動若形影隨居若琴瑟張況與歷貧賤卒歲持糟糠  
頗希舉案風亦切趨機防相予匪一德乃幸嬰圭璋  
宛其中道徂胡以不永傷明月照故幃悲風襲我牀  
良無續命丹安見反魂香音儀從此隔泉扃杳茫茫  
凌晨思髣髴中夜起徬徨同心而異世中閨闐無光  
已矣德宮儷聊中祥服章異哉蒙莊子鼓盆毋乃狂

詹番洲

融亦舉案風亦四...  
雖若紙邊韻...  
念于乘部...  
零靈本具...  
人命曰...  
日東...

甌甌洞藁卷之五

武昌吳國倫著

始安張鳴鳳校  
新安方尚贊

五言古六十三首

八子詩

八子皆弘正間名家予讀其詩有采焉因各贊一詩志神交云

李學憲獻吉

獻吉起北地操觚幹元機上探軒虞矩下抉揚馬微  
中流障頽波濛汜揚初輝雄哉草昧圖羣哲相因依  
遂令大雅還始識新聲非況乃矢忠鯁九死干天威

瓦瓦同藁

卷之五

徐昌為陸孝刻

宏辭潤高節赤日爭餘輝淪沒良不朽靈均與同歸

何學憲仲默

倬彼汝南士冥悟窺鴻蒙童齡振奇藻弱冠稱宗工  
抽翰校秘書藜光燭西宮弦歌奮求友逸響騰高空  
燦比若木華諧如羌水龍同聲自相眷恥為達者容  
適意在萬古豈必躋三公至今攬遺牘穆然生清風

徐博士昌穀

吳都擅妖麗作者紛自寶昌穀起中微澹然志幽討  
濯髮臨清淵驅車遵周道宛彼舜華姿被服紈與縞  
輪斤有疾徐應手不言巧得意塵壻間超忽踰靈島

譚稊有獨致頽風一以掃年短流譽長胡為悲不造

邊尚書廷實

廷實本國器矯翼自太常博綜號武庫高視臨文昌  
豈握東岱英五彩流篇章一語觸神解陶謝良相當  
脩轡騁天路方舟濟河湟乘時翊昌運休問彌以揚  
斯今齊魯間聞風襲餘芳生榮死不朽何忝名山藏

鄭司封繼之

谷口遺高蹤鄭生豈其裔澹然隱金門玄理屬冥契  
倡和諧同聲登臨縱遐睎願言崇好脩寧獨侈宏麗  
古道良所敦真境日以詣偶爾披遺編蘭薰襲衣袂

王檢討敬夫

王生跡弛士多技亦多艱少遊翰墨林藻繪何班班  
九阪知逸足六宮競朱顏涉世鮮明哲流言遂漂山  
恩深罪殊薄一竄不復還鄂杜足偃仰行歌弄潺湲

王吉士稚欽

維楚故有才誰為稚欽偶早歲發天秀匠心應其手  
高視千載前左馬相先後寧操湘女瑟恥擊秦人缶  
調世如弄丸罵坐非使酒敖然詠新篇豈復聞師友  
遂為禮法攻一官棄如垢傷彼荆山璞終焉不見剖

高按察叔嗣

叔嗣秉玄覽弱冠侍清穆朝回坐華省抽翰從所欲  
時援綠綺琴起奏清商曲三歎有餘思松風何謾謾  
引領懷良朋申章屬珠玉古道自攬持巖然負流俗  
雖驂何李後匪乏千里足惜哉天天年長駕阻中陸  
五子詩和于鱗元美作

李于鱗

涓曠不可作古音日以微舉世好新聲引節當誰依  
奕奕濟南生聽曲識其非調琴理孤操逸響騰珠徽  
泱泱東海風洋洋播金閨豈辭作者苦將恐和者稀  
庶幾吾黨士一握揚清輝抗志還大雅乘時禎芳菲



斯道有中興但與流俗違風波一相失滄泣無時揮

王元美

王郎故家喬曄曄瓊樹姿英風振江表文彩稱神奇  
少年策華津四顧多所疑志在千古業寧希一世知  
折節交李郎大雅當在茲華陽結高會五子偕應期  
齊聲奮清響浮雲東西馳時情詎終測友道無磷緇  
中意各未伸羽翼行差池榮名不常保念當久睽離

宗子相

淮海挺斯彥鬱鬱麟鳳標致身青雲端嘉譽盈中朝  
游揚豈不廣冠蓋紛相驕微衷各有屬鳴鴻夜嘹嘹  
一顧得儔侶勿云天路遙攜手結古歡吐氣干層霄  
易彼淫哇耳冷然被箭韶力欲追作者安知骨已銷  
去國勿復道何哉鵬爲妖念此平生親魂遠不可招

徐子與

美人起天目吳會欽令名抽翰揆華藻高步揚前旌  
憶予釋初服與子馳帝京衆中一以盼躑躅私相驚  
神物當遇合枯根以時榮忼慨托風雅遂爲金石盟  
酒酣發高倡流響恣縱橫但希知音賞敢厭時俗輕  
精光忽以蔽誰能寶連城努力戒遐軌廣路偕予征

梁公實



南海浩無際珠樹榮其中之子秉異靈軀孱氣何雄  
 結髮嗜往古操翰追其風文心躡東漢詩軼顏謝工  
 一出邁良友糟粕忽以融反顧結遐轍思欲躋崆峒  
 浮雲去萬里獨往偕冥鴻神山在咫尺安期尚可逢  
 大藥豈誤人厭世殊匆匆誦子虹澗篇萬形委虛空

十二子詩

十二子皆予雅道交倡和偶諧如蘭斯臭乃  
 者予既見放諸子亦多浮沈同心離居愴焉  
 今昔因各賦一首用代晤言非有所軒輊也

臨清謝山人茂秦

謝生本無家老作王門客詩名藉曹丘指于鱗元美乃在  
 長安陌彈鋏一以歌騎奴始分席長揖遊公卿交歡  
 竟曛夕詞林有布衣竊擬連城壁歸來腹不充四顧  
 復何適

南海黎秘書惟敬

黎生處羅浮頗好神僊錄大海澄幽襟明珠結奇服  
 骯髒遊人間詞華爛羣玉酒酣坐揮毫彷彿天雨粟  
 垂老就一官清言動當軸慊慊常思歸引領傷局促  
 濮上李尚寶伯承  
 濮陽多古墟其俗尚謳詠李生采遺風識早力亦勁

雖處鄭衛間敖辟非所聽雖從貴介遊戚施非其性  
折節求友生洋洋雅音正晚遇朱司空鼓掌稱絕勝

南昌余比部德音

焉蘿附松柏松柏有時摧螻蛄穴蔬壤蔬壤亦易夷  
之子抱幽貞昭質諒不虧貴介何炎炎疎遠分自宜  
理我清廟弦奠茲明堂彝爲用雖不廣千載流聲施

京山高比部伯宗

結髮慕郢歌千秋叩遺響伯宗誕其鄉始復披荆莽  
六籍鮮不綜篇詠亦已廣中歲起爲郎清齋託偃仰  
辭工宦益拙憂生何鞅鞅一出鴻猷編觀者亟稱賞

崑山俞隱士仲蔚

仲蔚夙所欽抱痾處幽側頗耽佛老書自擬巢由匿  
洗藥臨清淵炊糜克鼎食時爲鮑謝吟忽灑鍾王墨  
尺牘世所珍自葆良亦嗇耿耿心相知豈必望顏色

蒲圻魏比部順甫

破觚難爲圜斲雕難爲樸魏子任天真翛然謝繁縟  
爲郎守灋曹閉戶理清曲晚結二三子聲同志彌篤  
逡巡作林幽蘭吐膏馥精光幸自完不必剖和璞

銅梁張祠部肖甫

高空朗岷峩洪流決三峽中有奇男子龍性不可狎

乘雲驚天衢  
蜿蜿露鱗甲  
蚤厭巴渝謳  
力操揚馬法  
雄才振名區  
古劍星出匣  
符彩燭士林  
匪徒工筆劄

桂林張司理羽王

羽王發西粵  
弱冠稱繡虎  
負氣一何奇  
凌厲向千古  
翱翔京洛間  
恥與世儒伍  
往往出新篇  
郁郁芳蘭吐  
微官歷軼軻  
置踵無安土  
每歎鍾子期  
無時可重覩

新蔡張稽勳助甫

汝南復斯人  
文藻何灼灼  
蚤策華要津  
貴遊殊不薄  
微衷向沈冥  
玄覽測苞籥  
稍聞何李風  
文心奮如躍  
赤若砂中金  
皎若雲間鶴  
欣茲雅道昌  
豈但新知樂

南昌朱中尉用晦

昔予客洪都  
邂逅佳公子  
執轡一何恭  
贈之雙文綺  
高齋愜清言  
遂握風人旨  
孤標秀層岡  
何忝南州梓  
自試良獨難  
通親念未已  
坐悲春華歇  
涉江采蘭芷

吳郡王進士敬美

王子生世家  
登朝翊黼袞  
韶年識瑾瑜  
何謂託交晚  
師友不踰門  
翱翔藝文苑  
翕爾鳴塤篪  
流韻日以遠  
浮沈畏路間  
頗疾世情短  
傷哉嬰百罹  
雞骨已垂斷

登武夷山二首

名山奠南嶽  
甲觀浮雲齊  
上闕羣仙府  
下纏九曲谿

琪樹榮青林文鳥翔丹梯出沒霏霧間永日恣攀躋  
金光吐靈穴真氣耿不迷何當遇錢鏗挾我霞外棲  
楚楚黃冠子抵掌談刀圭豈其大丹訣乃托空筌蹠

其二

緣澗躋飛梁馮虛步崇殿雲林鬱以紆天柱從中奠  
煙濃玉女鬟苔繡鐵佛面歷歷排羣峯朱華競蔥蒨  
豈假巨靈擘非經媧后鍊巖泉漱石脂洞草積瑤霰  
界朗神與清塗迂景忽變手調赤雉羹將為列僊獻

天柱即大王峯  
鐵佛即幔亭峯

泛九曲谿二首

林端日已歆心賞未云足言攜武夷君泛此雲溪曲  
流藻牽微瀾鳴榔應虛谷坐愜巒氣澄行驚練光束  
猿猱掛巖柯虹蜺飲沙麓夾水羅羣峯參差三十六  
絕壁鮮棲禽云有仙人屋僊去無還期微茫睠遺躅

其二

曲水縈山心入山轉冥冥翼舟雲欲飛依渚石爭削  
夕照陰綠蕪迴煙霽丹壑羽衣奏笙璫中流下玄鶴  
倏忽踰初境遠峯澹迴薄似得武陵津不淺濠梁樂  
詎知宦遊蹤飄然寄寥廓

讀宗子相遺藁愴然作

昔我同袍友抗志薄青雲結髮事幽討沒齒虞無聞  
含精吐其華徃徃絕人羣翱翔京洛遊羽翼忽以分  
古心不見惻役役江之濱憔悴忽以萎駕言邁修文  
與君已隔世思君日以殷遺編篋笥中忽忽如見君  
鳳鳥不常儀薰膏亦自焚令名但千載地下君所欣  
安見長壽考一一策高勲

雪中臥病東方員外君敬

朔風振嚴節陰雲翳中野淅淅寒柯鳴漉漉歷沾灑  
霰集何須臾靈紛忽堪把玄轡御窮紀剝復不相假  
謇予負寒痂偃息空齋下顧念同袍士所志在風雅  
席門雪如山僵臥出無馬不有洛陽令誰知孝廉者

登七臺山絕頂

真氣鬱不散結爲谿上山岩堯七頂秀透迤三郡間  
熒熒吐南斗歷歷排天關謇予久臥閣欲徃無羽翰  
茲晨挈霞友矯足窮躋攀絕磴蔭榭梓陰磴飛潺湲  
逡巡造無際忽擁仙人壇苔蘚蝕故鼎伊誰覩還丹  
龍蛻亦已遠鶴馭當來還岑樓俯冥壑列嶂趨危欄  
且復劔蒂苓麋鹿羣相歡登高望遠海天路何漫漫  
海風吹白雲須臾卷層巒衣裳濕空翠几席衝驚湍  
奇賞一以愜何當此休餐陵虛但長嘯高枕青林端

詠署中豫章

豫章何輪困托根在公府柯葉森扶踈清陰薄環堵  
山煙起氤氳海氣遙吞吐自抱風雨鳴不解冰雪苦  
虬龍鬱為文剝蝕巨今古豈無柏梁材可與榱桷伍  
匠石一以遺居然謝斤斧因之保天年蒼蒼蟠故土

春日郊行卽事

凌晨起嚴駕子子雙干旄脩坂陟無際藂林何週遭  
仰視東旭馳須臾薄平臯玄鳥鳴高樹條風襲我袍  
田人迫春事國土日以膏况鮮乘塞虞各賣劔與刀  
前畦秀蕤麥老稚喧桔槔遮道前致詞使君無乃勞

下黯澹灘有感

灑灑莫稱險呂梁未為艱懸水落萬石危哉黯澹灘  
崖逼迴成峽浪猛能漂山已疑鱗穴適何止羊腸灣  
妖蜮射人影毒龍奔海關島飛目不瞬軸震天垂翻  
捷疾轉丸下浮沈反掌間客子神欲盡舟師技何閑  
須臾涉安流想像驚奇觀世情總汨沒畏路真嶮岼  
豈不委時命忽復生憂端蠻方難久居良當拂衣還

勉恩篇

有序

不佞國倫以嘉靖丙寅夏考昭武績

先帝賜璽書褒之因追爵先臣為中憲大夫母

為恭人踰年國倫當入計過家會璽書適至  
遂得奉以告諸家祠而易其主蓋泉壤之  
殊卹而里人之所榮也乃國倫殊不自意恭  
賦是篇志感且示子孫世世毋忘

先帝恩云時丁卯初冬日

謇予本罷駑十年御塵鞅流俗非所諧於世徒偃仰  
一蒙蠶蠖疑幾為魑魅黨偶爾遭清時覲列吏民  
長三載何行能謬叨璽書獎賜爵榮二親流膏沃  
黃壤義方稍見錄微勞亦膺賞華袞在一言奎光燭  
三象遂令裘褐資冒此金緋享被遇良已奇思恩一

何廣念當捐髮膚無能報銖兩萬里瞻天門天門  
誅蕩蕩

離資園二首 有序

騷云蕢菜蒹以盈室兮判獨離而不服蓋託  
之乎女類之詈語也吾友王元美頃以謗書  
歸臥而名其園曰離資其有深慨乎因寄此  
詩

仗策遊名都登臺騁高視一為世網嬰跼蹐非其志  
馬鹿本殊形薰蕕豈同置將憂上官讒奄邁女類詈  
於義苟不孚安能強相媚歸營五畝園樹畜從所嗜

荷鋤平蕪藜常恐被其刺

其二

晨躋弁山顛日莫息其趾蘭堂壁以蓀芬華何粲粲  
錦樹披明霞暎茲初服美取石成崑丘分泉爲弱水  
豈但遠菘菹業已蛻塵滓俯將燭九陰仰欲觀無始  
庶幾鹿豕間可以守玄理

春日發舟赴嶺南別家兄作

自劾苦不報遠遊今奈何出門視萬里況乃縣風波  
兄弟半斑白祖送江之沱釧羹瓠爲脯秫酒旨且多  
一爵不及反舟子發棹歌引領在中流眷眷南山阿

佩我明月環言歸勿蹉跎我鹿盧劍念當絕妖魔  
道遠思孔懷一日三摩挲安得息塵鞅同君葆天和

過梁公實故居有感

番禺亘長城重溟盪窮昊列肆苦湫隘環途決淫潦  
褰裳涉委巷衡門寂無掃故人讀書處悠然瞰蓬島  
採蒲從安期厭世一何早豈不念疇昔夢寐顏色好  
同心分古今陽運悲不造

送內

我生苦落魄與子常支離念此遠行役從之炎海湄  
風鄰烏蠻國路出龍母祠已怯瘴癘嬰况乃寇亂滋



泠然眷故土涕下交雙頤柴車駕言邁著簪忽以遺  
迢遙萬里道珍重三男兒銜枚越烽壘脫珥克行資  
千山走相送十日不成辭何以爲我壽何以與子期  
老別勿言遠生還勿言遲去去但自保悠悠長相思  
既別樵兒憶之

樵郎生七齡萬里攜之遊英骨邁兩兄何止氣食牛  
郡叅苦寂寞跳笑寬吾憂日識八九字自言當公侯  
當筵誦父詩朗朗諧清詠捧觴夜不倦佳客歡爲酬  
今隨阿母去川途迤悠悠臨別牽我衣吞聲泣河洲  
十日度湟谿反顧殊未休道逢下瀨客寄言入邊州  
南方多豺虎阿翁寧久留感此情內結寤寐思故丘  
骨肉但相保何論箕與裘

贈黃公紹

黃生好玄覽矯步六藝場弱冠成令名三十志益強  
明經啓苞籥振藻羅七襄遇合一何晚結徒混高陽  
懷袖雙龍珠炯炯明月光魚目方見珍精靈誰爲揚  
索我薊北門遲我南海旁感子意不薄援琴發清商  
三歎曲未終四顧浮雲翔願言結遐軫萬里毋相忘

放龜詩

有序

初予夢得靈龜居數日見海濱漁人籠一龜

鬻於市如夢中所見爲之惻然有感因買而  
放之石龍池中作詩以紀事蓋隆慶辛未三

月四日也

靈龜本無營胡爲人所致十朋鮮見珍四翼頽然墜  
業已嬰籠絡僅比凡虫飼雲霧蒙玄衣星辰闇朱宇  
延頸希人憐垂頭忽如置豈犯牽牛宿誤克河伯使  
吹噓濁水泥沆漑不復餌偶抵豫且網將枯楚王筭  
匪乏千齡術一朝坐顛躓見夢匪爲妖相遭良已異  
感彼賢哲資邁此形骸累杖頭落金錢持爲漁者利  
脫汝剝腸厄如吾曳尾意支牀負全力戴嶽豈初志

步若輜車旋安思石穴邃茫茫大海濱故宅已難識  
白日爲誰陰風雷將汝至送之清泠淵祝之善幽秘  
動或隨九天靜或潛九地或守著根伏或乘蓮葉戲  
伸縮從所如歿壽永不貳化彼驪龍毒同爲遠方瑞

懷元美二首

越鳥不繫書吳雲阻重嶺相望一何勞淫淫滄如緬  
秋風生我庭梧葉下空井中夜起踟躕但視明河影

其二

十年謝纓綏一詔起巖穴薦書良獨完謗書復何缺  
牛鼎無常烹羊腸鮮寧轍歸來伏龍山於世夙超絕

閔旱

嬰龜守南服念匪窮髮區刀耕竭終歲苦無儋石儲  
繭絲日以密乘障日以虞沃壤半污萊痼身良毒痛  
胡此朱明候早曠復已逾百穀方仰膏三農暴其膚  
何力挽滄海潤此桑田枯考禮登百神率巫前舞雩  
皇天豈降割旄倪聚哀呼

秋夜同周子徵珠江泛月

良夕豈易逢奇遊夙所慕暝陰薄層城浮雲潏相赴  
須臾明月生澄空皎如素縱艇隨輕潮披衣下織露  
髣髴海市通相將天河度中有弄珠人亭亭出煙霧  
微颺振鳴環綽約清虛步手裂雙扶桑化作千琪樹  
幻景良若斯翛然啓冥悟

謁洗夫人廟詩八首

有序

夫人南越洗氏女梁大同初適高涼大守馮  
寶寶藉其力用能約束諸蠻夷會高廣二州  
叛夫人將兵平之陳永定初救命為石龍太  
夫人賜繡幃鹵簿如刺史儀後陳亡嶺南諸  
郡悉附夫人隋高祖因遣使遺夫人書且以  
故所獻陳主犀杖為信夫人乃為位哭陳主  
三日而後遣其孫暄迎隋師嶺南於是傳檄

定後番禺反夫人授其孫益方略破之高祖  
嘉其績拜兩孫俱刺史追贈寶爲譙國公而  
進洗爲譙國夫人開幕府賜物累數千尋又  
以招諭諸夷功賜湯沐邑千五百戶卒諡誠  
敬至今高涼人廟祀之予稽其事有感焉爰  
賦八章用代侑享

蕞爾高涼墟諸夷雜包絡何哉一蠻姬將兵如衛霍  
相傳百戰功不負三朝託天風鳴海濤猶疑鼓吹作  
其二

昔聞木蘭女忠孝兩不渝豈及洗夫人名高績尤殊  
木蘭代父戍功成僅完軀夫人代夫將戮力扶皇輿  
其三

將號萬人敵兼長古所難高州女刺史奮蹟何桓桓  
一伐叛臣謀反側旋自安十人故有婦豈必皆魏寇  
其四

中原累新主南越恃斯姬傳檄無二心膚功矢自樹  
羣兇蕩以除百蠻皆內附父老殊晏然何煩長卿諭  
其五

阿家本外臣受號匡王國犀杖持效忠繡幃錫昭德  
赫赫譙公封璽書見優特一節忠三君豐碑永堪勒

其六

倉皇哭陳主慷慨迎隋師大統自新故偏國持安危  
平蠻功已高賜邑固其宜名將忍巾幗笑殺高涼兒

其七

文筭束兜鍪姣服冒犀甲幕府開九真軍符凜三陲  
功載隋梁銘威仍嶺海壓精靈儼至今血食安祀法

其八

洗氏骨已朽百越猶英聲我來刺其郡枹鼓時一鳴  
羣醜雖漸削何當遽銷兵神其眷故土蕩滌蠻煙清

校射示諸生

懸弧射四方君子繹初志矍圃非泛觀澤宮豈常藝  
禮兼五物脩樂以衆賓萃揖讓敦古風弛張表能事  
端容引烏號審度約猿臂一發中應弦再拜起揚觶  
附枝總忘勞穿札何足異東箭稱美材文毀喻藏器  
遠爲諸侯徵邇飾儒者事所以大聖人力至巧亦至  
夏夜偶涼卽事效梁人體

炎方雨忽霽夕閣涼如秋星雜簷螢落河連枝鵲流  
榕陰滴衣桁荔色炯簾鉤月擁玉壺上天銜珠浦浮  
輕颺動白苧密篠鳴蒼鳩拭簟冰初合提純雪未收  
不寐憐光景長吟步斗牛山煙微入幔海氣積爲樓

病當三伏起老作九真遊江漢渺何許關山悵悠悠  
寄黎惟仁文學

念我青雲友結軫遊長安上書不得意又謝公車還  
燁燁三芝室端居惜紅顏濟海無一葦凌雲托柔翰  
持螯飲美酒生事了不關安得釀重溟醉臥三神山

贈黃幼章黎惟仁唐寅仲三子

三珠燦南海宛彼若木枝礪礪百餘尺托根一何奇  
招耀三神山貝闕光陸離十陽避其華燭龍亦已疑  
我欲叱象罔采采勿踰時結以九霞佩繚以五色綵  
惜哉無舟楫棄置忽如遺遂恐精靈變反爲魚目嗤

傷足歎

疾足非吾能命途一何蹇委形良不虧遺訓夙思勉  
況乃歷軼軻投踵室如繭茲晨起辟易跬步不及展  
豈失千里馭亦無九折險偶罹下堂憂顏顏忽以覘  
踈盞虞後艱扶攜僅餘喘捫指痛欲呼覆轍幸猶淺  
一蹶從所遭禍福疇能辯

顧季狂暫赴武昌再至

朝遊黃鵠磯暮泊黃龍渚舟方見戴來醴復延申去  
落月何所思火雲自爲侶新涼生我庭鼓腹坐無語

寄王承父山人

王生自狂態不受時人憐  
一刺遠投我九歌悲問天  
行隨白雲住醉枕流水眠  
萬里忽相憶吳鉤為君懸

一編到酒豐爾爾爾爾爾  
迥益更益更更更更更更更  
豈夫千里烟衣無此此此此  
此此此此此此此此此此此  
寒且非吾論命命命命命命  
對且燻

龔龔洞藁卷之六

武昌吳國倫著

始安張鳴鳳校  
新安方尚贊

五言古六十五首

倦鳥吟

予既聞貴筑之命踰嶺海還過里中自念在  
高涼三年劬勤戎馬神氣都盡又生平拙宦  
縑結無奇而復負病遠遊恐亦終無所效趨  
趨踰數月不欲戒裝而一二親故時來勸駕  
至以大義責之乃作倦鳥吟以解嘲云

有鳥自朔方翱翔萬餘里悲鳴紫塞外還顧湘江涘

頗經霜雪摧况乃憚羅矢唼喋常苦飢朝營莫猶徙  
北風刺肌骨羽翮頽然委息影巢故林一枝良足倚  
仰及清露漿安知稻粱美所以綿蠻詩宣尼歎知止  
發家赴貴陽與仲兄言別

河水清且漣輕颺蕩寒煙鳧鷗各有匹荇藻紛相牽  
况乃同根樹枝葉故纏綿沆瀣沃已深仰欲參高天  
念茲友于義三歎和樂篇何當遠離別顧影中自悵  
豈以列鼎華曠我豆與籩豈以衆音豔奪我篋與墳  
垂老苦行役欲發不遽前徘徊在中路夕晷爲我延  
加餐幸自保皓首常來還

劉世仰追送至蘄春舟中夜酌

三日別已遠川塗望悠悠胡然白頭浪撼我青雀舟  
菰際飛一葦磯邊散羣漚美人意良厚濁酒歡且酬  
明月生斷岸前峯在中流曼聲答漁唱醉語寬離憂  
江漢豈足廣蘭蘅爲君投東風席如駛明發不可留  
夜泊黃州少宗伯丘公偕王侍御汪職方羅別

駕攜酒見訪

挽舟上高江風急濤轉怒避之沙岸間浮煙漭回瀟  
咫尺永安城不見樊口渡鱗鱗至軒車眷眷皆親故  
遐哉萬里人夢寐欣良晤躑躅感今昔攜手復四顧



行厨膾雙鯉漁歌侑清醕解我顛顛容含情爲君吐  
中夜起扣舷明月在高樹戀此平生歡其如迫往路

春日登高示諸生

夷居良不薄鳳嬉從之遊大哉孔尼父道廣難爲侔  
天啓我

高皇靈光被六幽渺爾麟介區化爲魯與鄒纓綵燦  
以繁禮樂何綢繆吾與二三子騁望登高丘東撫夜  
郎臺西瞰盤江流古今變須臾夷夏此一陬姬跡荒  
高山禹功同九州匪厥神授資誰當壯其猶今我懷  
遠牒與子偕好脩萬里安足遐瘴癘非所憂但飽公

家粟無從效前籌德業苦不競歲序忽以邁俛仰太  
平世恐遺童冠羞勉旃戒茅塞改轍遵道周

道逢劉正言憲長入部

別君薊北門逢君夜郎道令德良所欽榮名亦何早  
三巴復三秦相望令人老緬此靡莫區關路漫浩浩  
軒車從何來爲我舒懷抱前綏爲君持浮雲爲君掃  
居夷義所安抗志歷幽討

得元美書有感

遠遊意不適恍然思所親旅鴈從何來乃自江之濱  
繫書萬餘里弱羽一以振翔雲與之俱投我何逡巡

長跼省書意金石無緇磷皎如若木華重比連城珍  
故人義已厚令我滋含辛感彼同心言嗟此異域身  
皓首亦有期欲濟河無津腸斷不盈寸那能轉車輪  
普定署中對石山獨酌

亂山抱孤城空館負奇石息駕天垂晡臨軒景如劃  
簷楹寂不華峯巒潏相射環堵未一區飛梁欲千尺  
風來篠爭鳴雨過瀑新溢跋履行絕顛俯身瞰幽宅  
煙迴日觀蒼霞結天台赤獨酌性所便遠遊意何適  
織月銜柯亭明星燦蘿壁須臾變初境天地一陳迹

晚過木閣箒

木閣高凌空盤紆鎮邊鄙今茲遠行遊僕御何靡靡  
壁暗號玄猿箒深伏蒼兕歛焉山霧黃觸我劍光紫  
脩坂去忽迷駭石迫相抵行行日西匿前林戍煙起  
羅夷三五徒逢迎出樵壘踉蹌無致辭前驅負鞬矢  
疇云匪我族胡乃安事使皇風浩無隄異域懷孔邇  
三復何陋言悟茲變夷理

過孛羅箒

舍車陟脩阪叢樾何鬱紆幽篁百餘尺惡木相扶疎  
陰風振巖柯毒霧黯若嘘怪禽鳴我前猛虎行負嵎  
尺路難可辨停筇復斯須徒旅忽以遠劍氣慘不舒

奮臂呼當關山靈爲先驅陽輪在西麓返照羅夷居  
稍聞笳鼓聲前旌去徐徐蹈險不及踵胡然有康衢  
義命良所安況乃天生予

重陽後一日登東山寺

九日不登高煙霜澹林麓十日秋氣清東山倚天矗  
複道紆新綦琳宮隱扶木振衣躡其顛一縱千里目  
荒城大如斗衆山渺焉伏掃石坐層雲鳴鐘發幽谷  
僧至焚妙香居然在天竺忽開西域蓮掩彼南陽菊  
何言非吾土良遊此堪卜

別林仲清

夙昔秉孤尚結友如辰參去國萬餘里何當遘同音  
美人自新知一日義已深齊軌適中陸不復嗟滯淫  
青霞結爲佩明月持爲簪芝蘭自有臭松柏亦有心  
明發與子辭離憂難獨任生如斷蓬藿安得同疇衾  
流光不及瞬青驪逝駸駸交期盡皓首勿作南冠吟  
平溪別方以賢丘子晉

濺濺巖下溪皚皚溪中石瑟瑟西南風颼颼一蓬迹  
矯矯二大夫勞勞感今昔昔從帝里遊今同鬼方役  
古道有坎坷達宦鮮長策盛年良易衰流光但虛擲  
會晤能幾時忽復當遠適念至慮亦深綢繆亘曛夕

赤霜爲我袍青霞爲我舄酌以蘭桂醕使我顏色澤  
感茲金石心欲往涕如繹三宿車不膏王程苦相迫  
後期當奈何願假晨風翮  
武陵北郭外田家別曹名卿  
與君已言別眷我殊未休送送齋酒脯行行越山丘  
停茲道傍舍面彼河上洲鳧鴈紛唼喋松蘿故綢繆  
況我同心友念當遠行遊興言自清臭顧影俱白頭  
夙志豈不廣末路難爲籌和光委明哲獨行臻好脩  
努力但相保睽離非所憂

輓梁思伯

別君十年餘思君萬里道只怪緘書遲那知厭世蚤  
忽沈南海珠罷起明光草石墨與丹鉛遺爲藝林寶  
綈帙虬龍蟠素練煙霏掃一抹輞川明片楮蘭亭巧  
此物神所忌斯人豈難老波昏鮫女宮霧吸龍駒島  
遊魂去何之泉路漫漫浩朝露本易晞晨星不及杲  
遂今五嶽軀徒徇一丘槁望海迷津途臨風薦蘋藻  
儻遊逍遙墟安見非壽考

高辛村卽事

驅車小蒙城騁目高辛里新暑氣尚微繁陰密如綺  
青楊夾道周二麥何纚纚西日隱故宮遙見千家市

風土昔所諳流光忽焉駛者舊聞我來遮塗走相視  
一一前致辭但問髮與齒壯者負橐鞬老者餉瓜李  
何哉一故尉慙猶乃爾將無宋人愚莫知楚人鄙  
感此懷餘慙汗下幾浹趾

入大梁思亡友李于鱗詩

有序

蓋于鱗按察大梁時遭喪東歸遂病不起今  
五六年矣予來望其故署爲之惻然爰有是  
作

繹繹大梁市車騎何紛綸浮雲翳官閣古木森城闈  
昔我李夫子攬轡黃河濱采風歷二南執法昭三辰

中土欽名德燁燁鳳與麟皇天忍降割胡然奪其親  
哀哀向河濟奄忽俱沈淪而我踐斯境寓目皆含辛  
已矣竝驅意握蘭渺無因夷門慘不華平臺蔽黃塵  
大雅日以遠流俗日以新知音阻泉路念之滄盈巾  
謁于少保廟

少保社稷臣丹心燭千古立朝策元勲定難表神武  
一言凜萬鈞萬死輕一羽寧犯天鉞誅毋寧負  
皇祖置國等泰山四方用安堵壯哉方叔猷豈其與  
公伍昔公馭絳騶布德綏中土至今河嶽間痛哭思  
恃怙峩峩報功祠乃在汴之澣遺像儼如生文章錯

珪組賤子登斯堂百年宛親覩循循一儒流忠貞播寰宇顧瞻有餘慙談往舌欲吐采薇首陽山采蘭沅湘浦薦之諒所歆聊以充簋簠

劉生順思爲予臨馬圖因贈

君家故擾龍子復能圖馬貌出宛渥姿豈在曹韓下霜蹄躡崑墟肉翮騎襄野九逸難爲羣千金安足賈竦身骨權奇流汗血沾灑影躡飛電馳吻決奔泉瀉心手自爲師古今不相假壯哉萬里神令人隘中夏

賦得鐵如意酬胡茂承

客從天都來授我鍊如意鼎色星文纏金精雲葉墜豈發歐冶型不交攸飛臂突拙鮮見珍鏗鏘自爲瑞摩挲冰雪生起舞蛟螭避繫肘觀道書冥心悟高義百鍊本無庸千金誰與易嗟予已華顛羈旅寧素志將謝執珪榮且釋操刀累異哉美人遺良爲達者事豈必驕珊瑚長當遠魑魅

還次陽臺與李子華夜談養生二首

朝下八仙壇暮宿九芝嶺淫潦塗故宮荒蘿蔽空井丹竈灰不燃青精飯已冷篝燈坐談玄寂寞是真境

其二

大藥苦難就神仙自有真欲乘羽車去天路迷無津

安得邁霞友與之延谷神君家伯陽子無乃有後身  
行部過宋答諸父老

憶予昔蒙詔去國來遊梁俛首在末位磬折長吏旁  
理牘勞無奇虛勤薦者章三年不見收棄之還故鄉  
詎知河復清神劍赫上方氛祲一以廓日月開天閭  
奉詔起巖穴緩步由康莊茲行蒞中土白首悲昂藏  
回瞬十五載駸駸感流光踐茲昔遊境父老遙相將  
遮道不及前扶攜弔風霜馮軾復四顧淫潦何湯湯  
巖城故無恙者碩有存亡千樹多可材二麥半在暘  
旬宣匪曰能共濟思褰裳閭閻但耕鑿生齒殊未央  
嗟予衰已甚舊業臨滄浪倦鳥持弱羽焉能久翱翔  
念當從此逝何以志不忘

懷汪司馬伯玉

伯玉自古貌生平懷壯猷四十秉旄鉞決策清南陬  
五十佐樞府宣威壯邊州矯哉文且武將紆至尊憂  
握筆上封事班班晁賈流詞林寶副墨黃口紛相讐  
歸來息塵鞅但臥枕墳丘豈其介如石將從赤松遊  
舉世一知已於人復何求離居倘終老浮雲悵悠悠

懷孫祭酒山甫

山甫金玉人一出爲世寶明經冠時雋揆秬發天藻

少握中秘書旋焚掖垣草翱翔涉中外結志遵大道  
晚邁

聖主知視學修三老言陳辟雍詩尊禮屬師保魚水  
方見諧縣車亦何早逍遙不赴徵匪學商山皓

懷徐中丞明叔

昔我偕明叔連翩棲鳳池直廬警宮漏染翰抽綸絲  
竝轡出休沐促膝宵賦詩風波一摧藏毛羽互參差  
倉皇竄異域憔悴迷所之而子在南郡幾復爲湘纍  
網羅有天幸王路驅以馳九遷列上卿開府陳六師  
時命有屈信古道無險夷赤心麗三辰西峴安足碑

懷方中丞定之

方叔故名儒早歲嫺述作好脩矩先民玄理資澹泊  
貌瘠不勝衣登朝凜孤鶴一麾守東郡歷試弘遠略  
天子正南顧遂有元老託登壇吳越間羣兇去如削  
譬彼昆吾刀匪徒厲鋒鏑亦有園丘器所貴無鐫鑿  
豈伊謀國心可使尋常度飄然歸故廬臥龍倘相若

懷陳按察于韶

于韶兼人資負氣亦倜儻奮翼遊上都折節好吾黨  
一官轍未寧所至流逸響嶽嶽揚毫鋒詞林欲爭長  
劬勩吳越墟功成不及賞達者紛相猜因之悲世網



歸臥青城顛空冥觸遐想高視一世間浮雲何泱泱  
懷王孫灌甫  
麟趾自公族斯賢起宗周每懷親睦恩坐負匡時猷  
偃仰抱羣籍與義恣冥搜傳經屈申穆談秣陵枚鄒  
奇氣未盡吐終焉託嵩丘惜哉負九鼎不以供涵牛

贈李督學本寧

李生郢中雋少齒富羣籍歌諧金石音策擬天人畫  
清廟操朱絃園丘旅蒼壁談經白虎觀承恩累重席  
豈不懷起居愴焉辭禁掖單車戒西征二華遙相逆  
言探河洛源更弔岐鄠蹟采風入邊聲陳詩泝王澤

紫氣渺中升函關自天闢彩筆陵奇觀山靈瀦辟易  
贈方郎中子及

子及吾良友執經憶樵陽頗聞大雅風意氣殊飛揚  
奮迹侶時彥含毫吐蘭芳逢時豈不偶執戟疲爲郎  
高歌翫一世頌酒非狺狂但與流俗遠薄言醉爲鄉  
荆棘羅中野豺虎踞路旁何當與吾子改轍從和光

贈歐助教楨伯

楨伯起經術脩辭一何腴詩名動卿相登用藉從吏  
天子幸辟雍進講趨毘毼橋門警環聽詔下恩賚  
殊遂令當世士翕然尊碩儒天邊墜孤鴈千里遺尺

書中有懷人篇燦若南海珠何以報知已北風重踟  
躕

贈陳督學玉叔

玉叔不予耄退然修父執雖鮮蘭蕙姿微芳蚤見拾  
攜手薊北門詞人正雲集恐雜梧臺觀將憐和氏泣  
和曲曲彌高操弦弦愈急恨無百尺綆持爲九仞汲  
岐路忽以攜羽翼懸相戢奄其歲曖曖停雲坐於邑

贈方山人仲美

方生自名族無家不稱貧遠遊載圖史玩誦無昏晨  
生計日以短辭翰日以新入楚邁知已慨焉思卜鄰

子桑縱琴歌裹飯乃在門原思詠商頌裘馬非所珍  
衆口嗤落魄安知有先民詩成醉且臥陶然適其真

贈胡山人茂承

茂承博雅士奇氣鬱未吐朝負惠子書暮戛梁鴻釜  
游揚卿相間恥與食客伍抵掌談稅文含情慨今古  
一言感知音揮觴自起舞訪我大梁城新篇爛璣組  
與之登平臺流覽槩中土世路漫悠悠何當息縣圃

贈沈山人嘉則

沈郎故家郎文藻夙所志落魄不知貧懷才恥干世  
客遊公卿間頗欲行其意薄俗嗤直躬窮途見奇致

詹甫江表

犯嫌誅司馬謂哭胡抗書脫飛飲謂救曾客有忻詞

名誰知獎高義

贈康山人裕卿

康生貧且病偃臥京市隅黃熊欲入寢三尸怒相盱  
門鮮親舊跡蠹蛸網其厨我獨登汝牀執手長嗟吁  
忽復有起色仰視聊須臾與之坐談稅情志日以愉  
交道從此廣詩名溢路衢偶聞逐客令倉皇安所趨

贈宗良

王孫少任俠動為俗士嘲芻狗玩一世螺贏輕四豪  
入齧妃女脣出飲恣盤敖豈不嗜入翰衆言紛易淆

中歲一折節悅焉思素交結情向風雅光燄日以韜  
澄若九淵水湧若天漢濤非緣和者苦安知曲彌高

贈貞吉

貞吉晚相邁懷才美且多清揚自昭質宛彼瓊樹柯  
食邑等列侯所安在煙蘿早齡恣圖寫操翰如操戈  
對客一揮灑蹶然開詠歌觀者極神賞彷彿聆雲和  
結亭修竹間抱膝西山阿豈不軫王室棄捐當奈何

贈同伯

英英南浦雲纏纏洪崖瀑日夕懷我友精廬此焉卜  
偃仰披羣書逶迤入修竹朝來爽氣生登臺騁遐矚

甄甄同景

卷之七

三 壯

簪纓豈不華冷然享幽獨冥悟養生旨還童儼丹泥  
神往路忽迷書來念彌篤古心託垂年令德企相勗

宴灌甫東陂

飛蓋臨城隅芳筵集華渚奏鼓登雅歌行觴泛清醕  
林陰忽以移初景憺容與歡宴不知疲登臺瞰洲澱  
微瀾漾晴堞短棹沿孤嶼列室藏圖書蘭芬何楚楚  
主人懷天遊客子託幽緒輕颺激游鱗古木下脩羽  
翛然濠濮間薄暮復延佇

悼馮光祿汝言

馮君振青海結髮耽藝文讀書累萬卷棲志漢與秦

宦轍弭中外所志揚清芬暇日但著述吐辭鬱爲雲  
臨年遂高蹈東岱藏其真用哉古詩紀庶幾開後人

悼吳中丞峻伯

矯矯吳伯子振翼自天目一入金馬門翱翔漸雲陸  
千秋結遐思羣籍佐休沐閉戶調清琴弦柱傷局促  
一鼓越人吟三歎郢人曲人琴今已矣誰其弔芳躅

悼顧山人季狂

季狂亦吳人落落但自喜頗無鄉曲譽幾作囹圄累  
一遇宋邑侯尊禮爲高士憤俗難與居佯狂去千里  
四十始言詩詩名忽焉起放歌燕趙間高會王侯邸

詹垂江亭  
交游總賢豪見賞卽知已傷哉海上魂不反南宮里

長洲里名卽  
季狂所居

### 答劉子威侍御

昔我客夷門逢君良亦偶  
逡巡望華軒那能厭塵垢  
豈無南山角恥爲鮑叔扣  
雖有陵陽珍難爲樂正剖  
浮雲易誤人白日惜攜手  
岐路一相乖川陵限求友  
尺書展慙懃知己無先後  
望望闔閭城長江亦東走

### 春日偕兒輩郊行因就田家小飲

微風蕩晴旭好鳥鳴相求  
韶景在東墅散步恣行遊  
行行越初逕村陰亦何稠  
二麥秀高隴百卉榮道周

道逢村中叟招邀涉林丘  
酌酒烹伏雌竟日相綢繆  
列鼎安足旨朱紱生繁憂  
垂老返故鄉稚子歡見休

### 贈趙汝脩

庭高有五嶽海外環九州  
騁目蕩情志側足虞泠丘  
斥鷃睨翔鵬遠邇難爲謀  
八駿不踰階抱影成周遊  
所以逆旅人翻然詆巢由  
豈知守一隅乃能遵道周  
至人思達觀常與元化侔  
期君秉高節皓首以忘憂  
四月十五夜同家兄及兩兒子劉甥以雲方山人仲美湖上泛月

陽景盛初夏明月生我庭  
起步臨東臯湖水清且泠

汎汎中流波方舟杳不停仰天浩無際俯首瞰列星  
微風動百草衆山何青青況我諧骨肉顧盼怡中情  
良朋雜歌笑一一生蘭馨觴酒足遺世安用稱獨醒

和汝脩苦熱詩

驕陽炳丹達鶉火煽煩燠企雨旱益殷招風氣彌毒  
百靈慘不舒赤地焦九穀況乃近市囂炊煙鬱墻屋  
側身苦踉蹌餘喘何局促起臥總無常飲啄非所欲  
安得偕吾子逃之崑崙谷朝吸清露餐暮卽玄泉浴

贈張子元

崑崙奠西極培塿造其端宣氣產神物羅列仙人壇  
瑇瑁長爲林弱水流爲丹地乳溢中土鬱鬱靈鼈璠  
五嶽五卷石九野九彈丸冥境浩無際所貴在達觀  
愚公慮苦遠智叟從所安臥遊有至理意適神斯完

梧塘山居喜羽王京兆過訪

女夷暢天和玄鳥在高木藂篁夾脩渠垂蘿翳巖屋  
微風自東來爽氣襲初服灌園不知疲臨流飲黃犢  
興至發浩歌餘響赴空谷眷我青雲交迴車訪幽獨  
歡言漉新醅佐以山中藪圖書恣神賞郊原縱遊目  
石淙鳴樹間頗勝絲與竹俛仰從所欣居然遠流俗

石蘭溪再詠

仲春和氣舒肆眺青陽光芳蘭被脩渚嘉樹羅崇岡  
況乃從我友逍遙上河梁谷風振靈籟湍波送流觴  
遠慕箕穎節近希沂水狂景會神亦適因之等彭殤

萑苴歎

山中故無萑苴偶向羽王乞種成畦旋爲積  
雨所傷因有此歎

萑苴本常蔬所貴君家種分我雖不多屬意良已重  
短根新入畦翠葉忽成壟小摘差可羹頻鋤始息踵  
稍爲久雨困遂作污萊壅豈惜破塊勞實懷漏天恐  
物生各有際陽景何矇矓

同方聖休游滄浪亭

朱明氣方燠燠氛迫環堵出郭從所忻幽懷歛焉吐  
白日春高林微風漾平浦飛觀凌蒼煙長橋曳如組  
躑躅遠市囂翛然一寧宇向夕移輕舸中流坐懷古  
臺榭成遺丘鳧鷗自爲伍詠彼滄浪歌吾意亦漁父

贈友人

之子清且揚懷珍美無賈含毫吐其真炙轂慕風雅  
冉冉將踰時孰爲知音者輕舟涉江濤叩我重巖下  
坎壈知所安踟躕隘中夏鬱鬱平生心當杯一宣寫  
從文仲得子與書有感

客從南州來遺我孺子書裂帛不盈尺抗意何鬱紆  
相思日以老會面日以疎顯晦從所邁冉冉流光虛  
良懷子文懼遠弔三閭居況當感銷落淚下沾我襦

酬孫兆孺

雲夢楚奇觀九水自今古西湫嶓岷根東膏吳越土  
煙光浩無涯日月相吞吐我昔乘輕舟陵虛縱遐覩  
將挾蛟龍遊遽犯風濤怒遊子在中流宛爾滄浪父  
眷我亦何親玩世亦何武千載微屈平誰其詞賦祖  
宋載道遊豫章還楚以途中諸作見報

誦子豫章行知子意不適風雨何滯淫一水遙相厄

况邁知音希俛仰滋局踣豈歎出無與良嗟璞爲石  
悅焉思古人珍才重賓客白璧交虞卿雕龍侈鄒奭  
今茲行路心縱橫忽如奕歸與江漢濱且仗看雲策

與茂承言別

北風吹大荒雨雪無昏曉峩峩結層冰啾啾過寒鳥  
遊子思故疆歸心忽如旄川途何滯淫兼之歲云杪  
斷蓬在河因浮雲在天表聚散靡恒蹤憂多樂苦少  
所須在知音且復酌清醪

題方元素竹里館

不是輞川莊誰題竹里館林浮陸海陰席布蓬池滿



浥露清琴書調風作弦管求羊自吾徒三徑何時款

曉登顏子山絕頂

凌晨躡飛巒海日射天表三楚其在茲衆山亦何小  
襟袂生流雲巖藂息過鳥何當遂巢居勿爲塵緣擾

下山作

野性難爲馴浮踪信所止尋仙未授丹望氣不成紫  
山險石爲林谿虛雲作水道逢耦耕人却悟全身理  
二月望後紅梅始花憶嘗與羽王共賦催花詩

今羽王有蒲圻之役不及共玩悵焉有懷

有約看紅梅花開人已遠晤言難可常春事亦何晚



豔比華林園香分大庾阪聊當誦君詩延竹向蘭畹


園居

岐路迷所適言反幽貞廬悠然謝塵埽地遠志亦舒  
腰鎌刈蕪草灌畦得嘉蔬持之市美酒與客臨清渠  
班坐無倫次杯行從疾徐酣至發高唱微風蕩襟裾  
聊以解形役安知與世疎

還過白厓

赤水不勝葛白厓重拭衣纔嬰瘴  
波毒忽失朱夏威  
氣候乃如此土風難可依飄飄遠  
遊子役役何時歸





唯以雅之受受而具北東

班坐無命水林骨鈴幾余情至幾  
 蕭蕭以蕪草蕪細骨蕪蕪林之市  
 美醜與容韻青果  
 如視殺西遊言又幽貞靈欲然  
 穠穠

園臥羽王有蒲所之役不及其玩悵

禮其華林園香公大真測卿當請  
 故精致計向蘭

